



Exco Projek dan Protokol telah berjaya menganjurkan Bengkel Kepimpinan dan Protokol yang bertemakan "Berprotokol Asas Kepimpinan" pada 11 Mei 2013 (Sabtu). Bengkel ini disertai 26 peserta dari Perwakilan Mahasiswa/i Sekolah Sains Makanan dan Pemakanan bertujuan mendedahkan para peserta kepada amalan protokol dan cara pengurusan majlis yang efisien untuk memastikan kelancaran aktiviti-aktiviti yang bakal dianjurkan. PMSSMP telah menjemput Encik Mohammad Norazmi bin Haris daripada Bahagian Perhubungan Koporat yang berpengetahuan luas dalam bidang pengurusan majlis untuk memberi ceramah dan berkongsi serba sedikit tentang amalan protokol.

Bengkel ini menyediakan tiga modul; Protokol dan Etiket Sosial dalam Pengurusan Majlis, Imej dan Keterampilan Diri dalam Majlis dan Teknik dan Protokol Pengacara Majlis. Melalui bengkel ini, para peserta telah memperoleh banyak ilmu yang penting serta prihatin terhadap perkara-perkara yang harus diberi perhatian dalam menganjurkan sesuatu aktiviti agar program yang dianjurkan dapat berjalan dengan lancar. Semoga bengkel seperti ini dapat diteruskan dan ditambah baik pada masa yang akan datang supaya perwakilan pelajar SSMP menjadi mahir dalam bidang protokol dan mampu berkomunikasi dengan efisien.

## *Bengkel Kepimpinan dan Protokol SSMP 2013*

***"Berprotokol Asas Kepimpinan"***

***bertujuan mendedahkan para  
peserta kepada amalan protokol  
dan cara pengurusan majlis  
yang efisien untuk memastikan  
kelancaran aktiviti-aktiviti yang  
bakal dianjurkan***